


Dossier

Te mau tuhāa ôhipa no te fare mai : Eaha to na parau ?



Les paroles de Jésus dans l'Évangile de Matthieu résonnent dans nos oreilles quand il dit : «J'ai été malade et vous m'avez rendu visite» (Matthieu 25). C'est pourquoi, depuis plusieurs années, l'Église Évangélique a délégué un Pasteur aumônier auprès des malades hospitalisés dans les divers centres hospitaliers du Territoire en particulier à Tahiti, aidé dans sa tâche par des personnes volontaires afin d'assumer la mission évangélique auprès des malades et cette mission est concrétisée sous forme de visite pastorale, de prière, de recueillement et de partage. C'est en général à cette tâche que sont appelés les serviteurs qui oeuvrent auprès des malades pour leur apporter le réconfort spirituel aux côtés des souffrances physiques éprouvées par les malades.

Il ne faut pas oublier l'aide des paroisses et rappeler que le premier centre hospitalier a été fondé en 1924 par le pasteur Octave Moreau.

I te mau mahana tataitau te riro nei te pure ei uputa matara no te haere atu i te tahi ra


Te hoē tuatapapa raa iti

Ua haamauhia te fare mai mata-mua roa i Tahiti nei e te orometua farani o Octave Moreau, no te Totaiete Faatupuraa Parau no Paris, i roto i te mataeinaa no Mahina na roto i te pū tā tātou i mataū noa i te pii, te pū no Orofara. I te matahiti 1924, matahiti i iriti ai te ūputa no teie pū, ua ôhipa i reira vêtahi mau mitionare vahine Porotetani no te taururaa i te utuutu i te feiā mai arataihia e te vahine ra o Marie de Roudillon. I te matahiti 1951, ua itehia te aanoraa no te mau mai i Orofara i te mea hoī, vêtahi mau taata tei farerei i te mai ra tā tātou e parau nei e te mai oovi e aore ia te mai lepera. Nahea ia no te tinairaa i teie mai ?

Ua anihia i te fenua Niu Terani i te tahi mau tauturu taata e moni atoā no te parururaa i te taata eiaha ia roaahia teie ma'i e te reira nā roto ia i te taatiraa ra te «Leprosy Trust Board». I taua tau ra, e faanahoraa huru aravehi e vai ra i te fenua Niu Terani. I teie mahana, ua iti rii te parau no teie ma'i i ô tātou nei, te tamau-riinoa-hia ra te mau farereiraaraa mai roto mai i te mau faaroo no te fenua mai te faaroo Tatorita, Porotetani, mahana hitu...

Te mau tuhāa ôhipa

I teie mahana, e nehenehe e parauhia ua huru nahonaho rii te parau no te mau ôhipa e ravehia i roto i te mau fare mai no te fenua nei. I te mea hoī te amo atoāhia ra



te reira mau tuhā ôhipa e nā faa-roo Tatorita, Adevenite, Momoni e Sanito e te Etārētia Evaneria, i haamau atoāhia ai te hoē Tomite Oikumene tei faatahoē i nā faaroo e pae no te ôhipa âmui ia i roto i te roa raa no te matahiti mai te parau no te oro'a Noera a te mau ma'i i Mamao ihoā rā e te faatupu-atoā-raa i te hoē pureraa Oikumene ia tae i te hope'a matahiti. Ua faanaho atoā teie tomite Oikumene i te hoē faanahoraa pure raa poipoi i roto i te fare pure iti NO TE AROHA, i Mamao haamata i te hora 7 e tae i te hora 7h30 e te reira mai te Monire e tae i te mahana pae. Ua operehia te rautiraa no taua pureraa poipoi ra i roto i nā faaroo e pae mai teie te huru : te monire, nā te Etārētia Evaneria ; te mahana piti, nā te Etārētia Tatorita ; te mahana toru, na te Etārētia Adevenite ; mahana maha, nā te Etārētia Momoni e te mahana pae, nā te Etārētia Sanito. Ua riro teie mau pureraa poipoi ei iriti raa i te mahana ôhiparaa a te feiā rave ôhipa'toā no Mamaō. I tō tātou pae no te Etārētia Evaneria, te amo itoito hia nei te mau ôhipa no te fare mai e te Tomite Fare Mai e te Tomite Poro Evaneria i raro ae i te aratai raa a te Orometua mai te ôhipa no te farereiraa i te mau mai i Mamaō, i roto i nā Clinique Paofai e Cardella, te Pū te Tiare i Outoumaoro e tae noa'tu te Pū

Faafaaearaa no te ruhiruhia i Taravao (C.A.P.P.A.) e tae noa'tu i te faatere maiteraa i te pureraa i te mahana tapati (E toru tapati i niā i te maha nā tātou te tereraa pureraa. Hoē tapati nā te Etārētia Tatorita. Aita tā te tahi atu mau faaroo).

I roto i te parau no te mau ôhipa e rave tamauhia nei e nā Tomite e piti nei, eita'toā e haamoehia te tauturu nō roto mai vetahi mau paroita no Tahiti nei. Ei hiōraa, nā paroita no Taravao e nō Afaahiti e ôhipa atoā ra i roto i te fare ma'i no Taravao e te CAPPA, te paroita no Arue e no Taunoa e ôhipa'toā ra i Mamao, te paroita no Pirae e haapaō atoā ra te fare ma'i a te nuu o ia hoī o Jean Prince, te paroita no Punaauia e tae noa'tu te mau paroita no Papeete mai ia Te Rau Orive, Betera, Tiroama e Ioridana e ôhipa atoā ra i roto i nā Clinique e piti e i Vaiami atoā. Te ite ra ia tātou i te tauturu a taua mau paroita ra i nā Tomite e piti, Fare Mai e poro Evaneria.

Te ôpereraa Oro'a

Ua faanahohia na te hoē faanahoraa no te ôpereraa i te Oro'a Euphari nā te mau mai i roto i te mau fare mai atoā no te Fenua nei. Taaē noa'tu te faanahoraa e

ravehia no te fare mai no Taravao e te CAPPA, teie te faanahoraa o te nehenehe e faaara raa no niā iho i te ôhipa opere oro'a i roto i te mau fare mai atoā no te oire nei oia hoī na nā Tomite e piti oia hoī te Tomite Fare mai e Poro Evaneria e rave i taua ôhipa ra i roto i te haapae matamua no te ava'e (la tapati Ui-Api ana'e i roto i te mau paroita, e tapati oro'a nā te fare mai). Teie ia te auraa, aita e ôpereraa oro'a tā te mau paroita. Nā te fare mai rā e rave i taua ôhipa ra. Ua hinaarohia e rave hoē aē reni ôpereraa eiaha ia tupu te tahi mau umeumeraa no niā i teie tuhā ôhipa.

I te pae no te mau àti pohe, no te mau motu mai ihoā rā, te ravehiā nei ia te tahi faanahoraa pureraa fetii e tae noa'tu te iritiraa tino hou taua tino ra a faahoi hiā'tu ai i roto i te motu no reira mai o ia. Te mau àti pohe no te Fenua nei, e faahoīhia ia i roto i te paroita no reira mai taua mau mai ra.

Ei opaniraa

E ôhipa rahi mau teie e vai nei i roto i te mau fare mai atoā no te fenua nei. Ia ite atoā rā tātou e, e rave rahi atoā mau ma'i no te mau motu mai. E tuhā atoā tā tātou i pihaiihio i taua ma'i ra.

A faatupu tamau ana'e i terā reo iti tō te Fatu i te na ô raa e, «I pohehia vau i te ma'i, e ua haere mai outou e farerei ia'u».

Gaston Tauira Or.

Aumôneries qui contacter ?

- Scolaire : Davidson Bennett
- Hôpitaux : Gaston Tauira
- Prison : Jean Teururai

B.P 113 Papeete.
Tél 42.00.29
ou 41.22.24

-
- Armées : Pierre Unger
SP 91654/P 200 Armées
Papeete.
Tél 46.25.12